




ՄԱՍՆԱՎՈՐ ՎԱՐԴԱՊԵՏԱԿԱՆ ԳԱՎԱԶԱՆԻ ԻՇԽԱՆՈՒԹՅԱՆ ՏՎՉՈՒԹՅՈՒՆ ՄԱՅՐ ԱԹՈՌՈՒՄ

Ապրիլի 22-ին, հինգշաբթի, առավոտյան ժամը 11-ին, Օշականում, Ս. Մեսրոպ Մաշտոց եկեղեցում, Ամենայն Հայոց Վեհափառ Հայրապետը, օրհնությամբ և աղոթքով, բարեհաճում է մասնավոր վարդապետական զավագանի իշխանություն շնորհել հոգեշնորհ Տ. Լևոն աբեղա Աբելյանին, հոգեշնորհ Տ. Տարոն աբեղա Ճերեճյանին և հոգեշնորհ Տ. Գևորգ աբեղա Սերայդարյանին:

Ժամը 10-ին արդեն Օշականում են Մայր Աթոռի միաբանությունը և Հոգևոր Ճեմարանի ուսանողությունը:

Այնտեղ են եկել նաև ուխտավորաբար Մայր Աթոռում գտնվող մեր հյուրերը՝ Ա. Ժիզմեճյանը և Վ. Կարապետյանը Փարիզից, Հայաստան Վարդանյանը Լոնդոնից, բժիշկ Եղվարդ Դյուլդովճյանը Բուխարեստից:

Ժամը 11-ին ժամանում է Վեհափառ Հայրապետը և եկեղեցու զանգերի ղողանջի տակ հանդիսավորապես մուտք է գործում եկեղեցի ու Ս. Մեսրոպի շիրմի վրա մի պահ աղոթելուց և հսկելուց հետո, բարձրանում է եկեղեցի: Սկսվում է «Կանոն մասնաւոր իշխանութեան» տվչության կարգի արարողությունը: Խարտավիլակի պաշտոնը կատարում է Տ. Կոմիտաս եպիսկոպոսը:

Ամենայն Հայոց Վեհափառ Հայրապետը, շարականների, աղոթքների, սուրբգրական ընթերցումների համապատասխան կատարմամբ, աստիճան առ աստիճան շնորհում է «աշակերտացն ճշմարիտ բանին» քարոզութիւն զմասնաւորն իշխանութիւն, որ է չորս աստիճան, ... յօրինեալ Սրբոյն Գրիգորի

Տաթևացւոյ ճշմարտութեան վարդապետի գերահանձար հոգևորի և անյաղթ ախոյեան սուրբ հաւատոյ»:

Մեր Եկեղեցում «մասնաւոր վարդապետական զավագան տալոյ» կարգը շատ գեղեցիկ և իմաստալից մի արարողություն է, որը միաժամանակ թեկնածուների իմացական և հոգեկան աճի և պատրաստության վկայություն է, որով նրանք իրավունք են ստանում շնորհաբաշխությամբ «քարոզելոյ գրանն կենաց ուղղամիտ քարոզությամբ, յունկն հաւատացելոց», «ուսուցանելոյ զտգէտս և խրատելոյ զստահակս», պահելու «զպատուէր օրինագրութեանց հարցն սրբոց՝ ողջամիտ վարդապետութեամբ, ըստ Հայաստանեայց Եկեղեցւոյ»:

Իսկ որքան թելադրական է և պարտավորեցնող, երբ այդ իշխանությունը թեկնածուն ստանում է Օշականում, Ս. Մեսրոպի շիրմի մոտ, Ամենայն Հայոց Վեհափառ Հայրապետի սուրբ օրհնությամբ:

Արարողության ավարտին, Վեհափառ Հայրապետը խոսում է գեղեցիկ մի խրատական և շնորհավորում իր հոգևոր զավակների աստիճանի բարձրացումը, մաղթելով նրանց լինել «մշակք առանց ամօթոյ»:

Նորընծա վարդապետները աջահամբույրով իրենց որդիական երախտագիտությունն են հայտնում իրենց Հոգևոր Հոր՝ Հայոց Վեհափառ Հայրապետին, և իջնելով Ս. Մեսրոպի դամբարանը, վերակրկնում են իրենց սրբազան ուխտը՝ աննահանջ սիրով և անպայմանավոր հնազանդությամբ ծառայելու

Հայաստանյայց Առաքելական եկեղեցուն,
Մայր Աթոռին և հայ ժողովրդին:

Ժամը 2-ին, Օշականի ուխտավորները վե-
րադառնում են մայրավանք:

Նորրեծա Ս. Լեոն վարդապետ Աբելյանը
ծնվել է 1935 թվականին Բելյուսթում, նախ-
նական կրթությունն ստացել է Յաֆայի հայոց
Ս. Գրիսադրի վարժարանում, որի ընթացքն
ավարտելուց հետո, 1951 թվականին, ըն-
դունվել է Երուսաղեմի հայոց Սրբոց Հա-
կոբյանց վանքի ժառանգավորաց վարժա-
րանը:

1955 թվականին սարկավազ է ձեռնադրվել
և 1957 թվականին կուսակրոն քահանա:

1957—1960 թվականներին Ս. Աթոռում
պաշտոնավարել է որպես զավազանակիր,
ժառանգավորաց վարժարանի փոխ-տեսուչ
և ուսուցիչ, և ապա Ս. Հարության Տաճարի
տեսուչ:

1960—1964 թվականներին Անգլիայում,
Դուրհեմի համալսարանում, սովորել է
աստվածաբանություն:

Այժմ սովորում է Փարիզում և պաշտոնա-
վարում է միաժամանակ Փարիզի հայոց Ս.
Հովհաննես Մկրտիչ եկեղեցում:

Հոգեշնորհ Ս. Տառն վարդապետ Ճեռե-
յանը ծնվել է 1937 թվականին Բելյուսթում:
1951 թվականին Սահակյան վարժարանը
ավարտելուց հետո, ընդունվում է Անթիլիա-
սի դպրեմանքը, ուր սովորում է 1952—1956
տարիներին:

1956 թվականին ընդունվում է Մայր Աթոռի
Հոգևոր Ճեմարանը և լսարանական բաժինն
ավարտում է 1961 թվականին: Սարկավազ է

ձեռնադրվում Մայր Աթոռում 1958 թվակա-
նին:

1961—1962 թվականներին սովորում է
Լոնդոնում, Կեկամ անգլիական վանքում, իսկ
1962—1963 թվականներին՝ Կինգզ Կոլե-
ջում:

1963 թվականի դեկտեմբերի 8-ին, Փարի-
զի հայոց Ս. Հովհաննես Մկրտիչ եկեղեցում,
կուսակրոն քահանա է ձեռնադրվում Ս. Սե-
րովբե արքեպիսկոպոսի ձեռքով:

Ս. Տառն վարդապետն այժմ պաշտոնա-
վարում է Փարիզի հայոց եկեղեցում:

Հոգեշնորհ Ս. Գևորգ վարդապետ Սեռայ-
դարյանը ծնվել է Բուխարեստում 1938 թվա-
կանին:

Մոսկվայի հետ հայրենադարձվել է 1948
թվականին և սովորել է Երևանի համար 58
միջնակարգ դպրոցում:

1956 թվականին ընդունվել է Հոգևոր Ճե-
մարան և 1962 թվականին ավարտելով լսա-
րանական բաժինը և պաշտպանելով իր դիպ-
լոմային աշխատանքը՝ «Գրիգոր Նարեկացին
որպես «մատենագիր», սարկավազ է ձեռ-
նադրվել և 1964 թվականին՝ կուսակրոն քա-
հանա:

Հոգեշնորհ Ս. Գևորգ վարդապետն այժմ
Մայր Աթոռի եկեղեցական թանգարանի վա-
րիչն է: Նրա վարդապետական ավարտաճա-
ռի նյութը, որի վրա աշխատում է, «Գործք
առաքելոց»-ն է:

«Էջմիածին» ամսագրի խմբագրությունը
շերմորեն շնորհավորում է նորընծա վարդա-
պետներին, մաղթելով նրանց հաջողություն
և բեղմնավոր գործունեություն:

